



SMALL BUSINESS

ESSENTIAL TAX GUIDE



Follow us on



ISIQONDISO SAKWA-SARS SENTELA ESIBALULEKILE SAMABHIZINISI AMANCANE

Lesi siqondiso sikunika ulwazi olubalulekile ngamabhizinisi Amancane nasaFufusa (SMMEs) kanye nezibophezelo zawo zentela mayelana nokubhalisela intela, ukubuyisa amaphepha entela kanye nokukhokha oPhikweni lweziMali eziNgenayo eNingizimu Afrika (SARS). Siphinde sibe nolwazi ngezinhlobo ezechukene zentela ezingase zibe umthwalo wakho kuya ngokuthi lingakanani ubukhulu futhi lenzani ibhizinisi lakho.

Ngenxa yezibopho eziningi zezomthetho nentela ezihambisana namabhizinisi ahlukeneyo, ngaphambi kokuthi uqale ibhizinisi lakho, qala ngokunquma ukuthi hlobo luni lwenkampani ofuna ukuluqala.

Isibopho somninibhizinisi

Empeleni, abaninibhizinisi yibo abanomthwalo wokubuyisa amaphepha entela nokukhokha okumele kwenziwe kwa-SARS ngendlela eyiyo futhi kusenesikhathi. Lokhu ukwenza noma ngabe unesiSebenzi seNtela noma omunye umuntu okubhekela izindaba zakho zentela.

Ukukhokhwa kwentela



Izinkokhelo zentela zingenziwa kusetshenziswe i-eFiling noma ngokuthunyelwa ngqo ebhange. Izinkokhelo kumele zenziwe ngesikhathi ukugwema inzalo nezinhlawulo. USARS angeke esayemukela inkokhelo eyenziwe ngesheke emva kukaDisemba 2020.

Ukugcinwa kwamarekhodi



Ukugcina amarekhodi ngendlela efanele kwenza kube lula ukuchaza ukuthi yini edaluliwe emaphepheni akho entelangeniso uma kwenzeka u-SARS enemibuzo mayelana nolwazi oludalulwe emaphepheni akho entela. Ukugcina amadokhumenti esekelayo afana neziliphu zokuthenga, ama-invoyisi, amarisidi, iziliphu zamadiphozithi asebhange kanye namanye amadokhumenti kuzokusiza ukwengamela izindaba zakho zentela kangcono futhi kwenze ukuthi uthobeke imigomo yentela.

Izinhlobo zamabhizinisi kanye nezibopho zentela

Izinhlobo zebhizinisi	Incazelo	Izibopho zentela
Ibhizinisi elimninimunye/ Umninibhizinisi	Lisebenza ngemikhiqizo emincane futhi elabantu abazisebenzayo. Kubandakanya namabhizinisi angahlelekile. Asikho isidingo sokubhalisa ku-Company and Intellectual Property Commission (CIPC).	Bhalisela iNtelangeniso lomuntu siqu (PIT) bese minyaka yonke udalula ingeniso lebhizinisi lakho emaphepheni okubuyisa intelangeniso lomuntu siqu (ITR12). Lapho kudingeka ukuthi ukhokhele uSARS, kumele ukwenze lokho ngaphambi kosuku olungumqamulajuqu oluvela kuSaziso sokuHlola (ITA34).
Izinhlangano ezisebenzisanayo	Abantu ababili noma ngaphezulu abafuna okufanayo abahlanganyela ndawonye ebhizinisini. Awadingi ukubhalisa ne-CIPC. Umnikazi ngamunye uzohlawuliswa intela ngokuzimela kuye ngokwezabelo abanazo ebhizinisini.	Bhalisela iNtelangeniso lomuntu siqu (PIT) bese minyaka yonke udalula ingeniso lebhizinisi lakho emaphepheni okubuyisa intelangeniso lomuntu siqu (ITR12). Lapho kudingeka ukuthi ukhokhele uSARS, kumele ukwenze lokho ngaphambi kosuku olungumqamulajuqu oluvela kuSaziso sokuHlola (ITA34).
Izinkampani ezizimele/ zikahulumeni noma ama-Close Corporation	Ibhizinisi ezihlelekile elidinga ukubhaliswa ku-CIPC bese lithola inombolo yokubhalisa inkampani. Inkampani izimele, ayihlangene nomnikazi wayo kanti umnikazi wayo kumele athumele amaphepha akhe eNtelangeniso loMuntu siqu (ITR12).	<ul style="list-style-type: none"> » Uhlelo luyazibhaliselela lona wena kuNtelangeniso yeziNkampani (CIT) uma ubhalisa ku-CIPC bese udalula i-CIT minyaka yonke efomini i-ITR14 » Bhalisela i-VAT – uma ufaneleka » Bhalisela i-PAYE – uma ufaneleka kanye nezintela ezikhethekile zamabhizinisi amancane: iNtelanzuzo, SBC noma i-ETI. » Ukukhokhwa kwezintela
mifelandawonye	Umfelandawonye usunguleka uma iqembu labantu, abathanda izinto ezifanayo, behlangana ukuze bafeze okungaba iphupho eliphathelene nezomnotho, ezenhlalakahle noma okuphathelene nesiko, okufana nezitokofela, amabhizinisi omphakathi ezolimo, njll.. Umfelandawonye kumele ubhalise ku-CIPC. Imifelandawonye itheliswa ngenzezinkampani.	Bheka izinkampani ezizimele/ zikahulumeni noma ama-Close Corporation

Uyibhalisela nini iNtela?



Uma usuyibhalisile inkampani yakho kuKhomishana yeNkampani nezinto Eziwumqondo wakho (CIPC) ebiyaziwa nge-CIPRO ku- www.cipc.org.za u-SARS uzokwenzela wona inombolonkomba yeNtelangeniso leNkampani (CIT). Abameleli benkampani kumele babhalise ku-SARS eFiling ukuze balungise ulwazi, bakwazi ukwenza amathransekushini ku-inthanethi kalula kwa-SARS.

Abazisebenzayo/umhwebi ongayedwana noma abantu abasebenzisanayo kumele babhalisele iNtelangeniso loMuntu siqu ngqo kwa-SARS besebenzisa i-SARS eFiling.

Isibopho sakho seNtela

Noma ngabe ungumuntu ozisebenzayo noma unebhizinisi, kudingeka ukuthi ubhalise ibhizinisi lakho kwa-SARS, ubuyise amaphepha akho entela bese ukhokha izintela zakho ezifanele ngesikhathi.

Izindlela ezilula zokuxhumana nabakwa-SARS

Izikhathi eziningi uzoxhumana nabakwa-SARS ku-inthanethi usebenzisa i-SARS eFiling. Uma uhweba uwedwa ungenayo inombolonkomba yentelangeniso, kumele uqale ubhalise njengomkhokhintela ku-eFiling ukuze uvule iphrofayeli yakho, bazokwenzela inombolonkomba yentela. Ukubhalisela i-eFiling:

- » Vakashela isizindalwazi sakwa-SARS ku- www.sars.gov.za bese ucofa ku-eFiling bese ucofa ku-REGISTER NOW; noma
- » Uma uhweba ngawedwana noma usebenzisana nabanye - dawuniloda i-SARS MobiApp ku-Google Play Store (Android) noma ku-App Store (Apple devices) bese ucofa ku-'REGISTER'.

Ungabuka nevidiyo ethi "How to register for eFiling" emgudwini we-SARS TV YouTube.

Uma lonke ulwazi selulungisiwe, ikakhulukazi imininingwane yokubhanga, imininingwane yokuxhumana kanye nomelele inkampani, ungabhalisela ezinye izintela ezifana ne-VAT, PAYE, njll. ku-eFiling, ngaphandle kokuya egatsheni lakwaSARS.

Izintela ezikhethekile ezisebenza emaBhizinisini amaNcane

Kunemihlomula eyehlukene yentela kumabhizinisi amancane efana neNtelanzuzo (TOT), Izintelo Zamabhizinisi Amancane Asebenzisanayo (SBC) kanye neNtelo yeMihlomulo yokuQasha (ETI).

1. Intelanzuzo (TOT)

Intelanzuzo ihlose ukunciphisa nokwenza lula ukuthobela intela kanye nomthwalo wokwengamela kumabhizinisi amancane anenzuzo yonyaka engu-R1 million noma ngaphansi.

Uhlelo lweNtelanzuzo luwuhlelo olulodwa lwentela kanti lungena endaweni yeNtelangeniso, iNtelantengo, iNtela yesiKhashana, iNtela yeNzuzo yeNgqalabhizinisi kanye neNtela yeZabelo. Amabhizinisi afanelekayo azodalula bese ekhokha intela eyodwa (1) (ngaphandle uma ene-BAT noma i-PAYE) bese eqala ukukhokha uma inzuzo yonyaka yedlula ku-R335 000.



Qaphela:

Ibhizinisi elincane elibhalisele iNtelanzuzo lingakhetha ukuthi libhalisele ne-VAT.

2. Izinkampani Zamabhizinisi amancane (SBC)

Amabhizinisi amancane anenzuzo yonyaka efinyelela ku-R20 million angafaneleka ukukhokha iNtelangeniso ngesilinganisonani esincishisiwe. Uma uveze ukuthi uyibhizinisi elincane emaphepheni okubuyisa iNtelangeniso (ITR14), futhi uhlangabezana nazo zonke izidingo, izilinganisonani ezehlisiwe zizozenzekela zona. Asikho isidingo sokufaka isicelo sesilinganisonani esehlisiwe ngoba isimo sakho se-SBC sizobhekwa kusetshenziswa ulwazi oluku-ITR14 yakho.

Intelantengo (VAT)

Amabhizinisi anenzuzo elinganiselwa noma engaphezulu kuka-R1 million kudingeka ukuthi abhalise bese ehlawulisa i-VAT engu-15% ezimpahleni nosizo okutheliswayo.

Izigaba zokubhalisela i-VAT:

Ukubhalisa okuyimpoqo	Ukubhalisa kokuzithandela
Kuzodingeka ukuthi ubhalisele i-VAT uma ukudayisa okwenzile kube ngaphezulu kuka-R1 million, kunoma iyiphi inkathi eyizinyanga eziyi-12 noma uma ulindele ukuthi ukudayisa kwakho kuzokweva kulelo nani ngokwezibopho zesivumelwano esibhalwe phansi.	Ungakwazi ukubhalisa ngokuzithandela uma ukudayisa kwakho kungaphansi kuka-R1 million. Umbandela ukuthi ukudayisa okwenziwe kumele kube ukuthi kuwudlulile umkhawulo wenani eliphansi elingu-R50 000, noma kungase kwenzeke lidlule inani elingu-R50 000 esikhathini sezinyanga eziyi-12. Ukubhalisela i-VAT usebenzisa i-SARS eFiling kuyashesha futhi kulula.

Pay-As-You-Earn (PAYE)

Umqashi obhalisile noma okudingeka ukuthi abhalisele i-PAYE kwaSARS kuzophinde kudingeke ukuthi abhalise futhi akhokhe iminikelo yeLevi yokuThuthukiswa kwamaKhono (SDL) kanye neyesiKhwama soMshwalense wokungaSebenzi (UIF) kwa-SARS.

Qiniseka ukuthi uyabhalisa kwa-SARS ezinsukwini zokusebenza ezingama-21 emva kokuba umqashi, ubambe i-PAYE ne-UIF emiholweni yezisebenzi bese uyikhokha kwa-SARS njalo ngenyanga. Lezi zinkokhelo kumele zenziwe ezinsukwini eziyisikhombisa (7) emva kokuphela kwenyanga. Lapho imiholo yezisebenzi ingaphansi kwemikhawulo ebekiwe.

Intela Yesikhashana

Zonke izinkampani zibhaliseka ngokuzenzekelayo kuNtela yesiKhashana uma ubhalisela iNtelangeniso yeNkantolo. Abantu abanebhizinisi elincane abanengeniso abalithola kuleli bhizinisi, phezu komhlo, kumele babhalisele iNtela yesiKhashana. Kumele ugcwalise bese uthumela amaphepha enkokhelo yentela yesikhashana (IRP6) kabili ngonyaka bese ukhokha lokhu ocabangela ukuthi kuzoba yingeniso lakho.

Lawa maphepha angabuyiswa ngokusebenzisa i-SARS eFiling. Kodwa-ke uma ubhalisele iNtelanzuzo, asikho isidingo sokuthumela i-IRP6.

Intelangeniso Yezinkampani (CIT)

Izinkampani kumele zidalule ingeniso lazo minyaka yonke ngokuthumela amaphepha okubuyisa iIntelangeniso yeNkampani (ITR14) uma ukubhalisa kwazo sekuphuthuliwe. Ukudalula kumele kushaye emhloveni, kuchaze lonke ingeniso kanye nencitho ukuze ugweme ukudalula okungaphezulu noma okungaphansi kokufanele. Ngonyaka wokuhlola ophela mhla, noma emva komhla zingama-31 kuNdasa 2023, isilinganisonani sentela yemalangeniso lenkampani ngu-27% (ekuqaleni besingu-28%).

Izinkathi zokubuyisa amaphepha entela ngokohlobo lwentela

Uhlolo lwentela	Izinkathi zokuthumela	Ifomu lentela	Okuqashelwayo
Intelangeniso yenkampani (CIT) Intelangeniso yenkampani (CIT)	Kanye ngonyaka ngesikhathi sokuphela konyakamali wenkampani leyo	ITR14	Inkampani inezinyanga eziyi-12 ukuthumela i-ITR14 emva kokuphela konyakamali. Ukuphela konyakamali kuvela esitifiketini sokubhaliswa kwenkampani esivela kwa-CIPC
Intelangeniso lomuntu siqu (yabantu abazisebenzayo)	Kanye ngonyaka njengoba kumemezele u-SARS ngesikhathi sokubuyiswa kwamaphepha entela	ITR12	Abahweba ngabodwana, abantu abazisebenzayo abasebenzisanayo kumele badalule ingeniso lenkampani emaphepheni abo okubuyisa intela yengeniso lomuntu siqu
I-VAT	Njalo ezinyangeni ezimbili (2) ngaphambi komhla zingama-25	VAT201	Isikhathi sizobekwa ngesikhathi sokubhalisa kanti ezinye izinkampani kungadingeka zithumele njalo ngenyenga
PAYE	Nyanga zonke mhla noma ngaphambi komhla ziyi-7	EMP201	Isikhathi esingumnqamulajuqu sokuthumela sisezinsukwini eziyisikhombisa (7) emva kwenyanga okwakubanjwe ngayo intela kusisebenzi.
Intela Yesikhashana	Kabili ngonyaka	IRP6	Ezinkampanini: Ukuthumela kokuqala kwenziwa ezinyangeni eziyisithupha (6) ukusuka ekuqaleni konyakamali. Ukuthumela kwesibili kumele kwenziwe ekupheleni konyakamali. Kubantu siqu: ukuthumela kokuqala kumele kwenziwe mhla zingama-30 Agasti kanti okwesibili kumele kwenziwe mhla zingama-28/9 Febhuwari unyaka nonyaka.

Uhlolo lwentela	Izikhathi zokuthumela	Ifomu lentela	Okuqashelwayo
Intelanzuzo	Kanye ngonyaka	TT03	Ukuthunyelwa kwamaphepha entelanzuzo kwenziwa kanye ngonyaka ngokuhambisana nesikhathi sonyakamali yenkampani noma ngesikhathi sokuthunyelwa kwamaphepha entela onyaka, phakathi kwamhla lu-1 kuJulayi namhla zingama-31 kuJanuwari wonyaka olandelayo kubantu siqu.
Ukuhlanganisa amabhuku oMqashi	Ekupheleni kuka-Okthoba nasekupheleni kukaMeyi	EMP501	Ukuthumela kokuqala kwesikhashana kumele kwenziwe ekupheleni kuka-Okthoba bese kuthi okokugcina kwenziwe ekupheleni kukaMeyi

DISCLAIMER: The information contained in this leaflet is intended as guidance only and is not considered to be a legal reference, nor is it a binding ruling. The information does not take the place of legislation and readers who are in doubt regarding any aspect of the information displayed in the leaflet should refer to the relevant legislation, or seek a formal opinion from a suitably qualified individual.

Ngolwazi olwengeziwe–

- » Vakashela ikhasi elikhuluma ngamabizini amancane kusizindalwazi sakwa-SARS ku- www.sars.gov.za .
- » Shayela i-SARS Contact Centre kule nombolo 0800 007277
- » Beka usuku lokuya egatsheni lakwa-SARS ngokusebenzisa uhlelo lwe-eBooking ku- www.sars.gov.za
- » Uma ushaya uphesheya, shayela kule nombolo +27 11 602 2093 (phakathi kuka-8 ekuseni no-4 ntambama kuphela ngesikhathi saseNingizimu Afrika).

Contact Us



e-Contact

Visit the Small Business page on the SARS website
www.sars.gov.za

Book an appointment on
www.sars.gov.za



Phone

SARS Contact Centre
0800 007277

If calling from abroad,
on +27 11 602 2093
(only between 8am and
4pm South African time).

SCAN ME



Follow us on



2020

